

藤

陰

雜

記

藤陰雜記卷九

吟梅居士

北城上

龔芝麓尙書寓宣武門左有香嚴齋海內文人延致
門下歲暮各贈炭資馬甸臣

世俊

下第無以卒歲袖

文質公讀而謂賢者爲之乎篇數亡主于馬齒之前
遇興王于牛口之下河山方以萌終功名復以賄始
等句淚涔涔墮曰李嶠真才子也贈金八百并延譽
之明年辛丑狀元所謂八百孤寒齊下淚者公足當

之朱竹垞輓詩寄聲縫掖賤休作帝京遊蓋紀實也
宣武門街右爲陳少宗伯邦彥第堂曰春暉屋有藤
花文簡公丙午自粵還朝見花盛放賦詩今屋歸全
浙會館藤花尙盛

宣武門外河名銀灣王文安鐸所題孫松坪中秋詩
碧漲銀灣類影娥

商寶意盤癸卯拔貢至京寓香爐營見歌者林建中

後二十年遇淮上賦云我從弱冠游神京僦居曾記
香爐營密通往還潘太史允敏詠諧跌宕倪先生君

時方下黃門楊衡字相連賓不雜醉倒常遺玳瑁簪
歌闌猶照珊瑚蠟

海波寺街爲金文通

之後

第有古藤書屋康熙初年

御史何蕤音

元英

寓此名丹臺書屋王橫雲未遇時

飲屋中詩云龍門百尺邈難登喜到高齋對古藤少
長題詩紅葉共高低點筆石欄凭敬通跌宕因文史
北海風流在友朋更喜柏臺增氣象邇來霜簡劇威
稜汪蛟門

懋麟

詩護持傳太傅燕賞愜向書留得清

陰在重爲水部居康熙丙辰朱竹垞有飲何少卿藤

花下詩甲子檢討自禁垣移居有藤二本有寓齋小
集六言又小集送人詩我攜家具海波寺九月未稿
青藤苗夕陽倒影射檉柳此時孤坐不自聊又餞梁
孝廉佩蘭詩又紫藤花下作遲湯上舍右曾詩檉葉
絲如繖藤花紫滿檐又檉聯句寒夜賦火箸詩花下
醉歌送吳魏二子聯句至已已移槐市斜街詩云不
道衰翁無倚著藤花又讓別人看

漁洋戊辰來京竹垞邀飯古藤書屋食鱸魚半翅甚
美觀米海岳研山圖作歌蔣京少景祁有集竹垞太

史古藤書屋分賦借黃花詞露明秋樹烟寒蔬圃御
堤邊正蕭蕭柳梢堪數散髮玉堂仙遯跡金門侶招
好友四圍芳俎 簾衣風舞蛩聲夜語落蘋花又疎
疎六街涼雨此別會何時美景誰留取最惱煞麗譙
催去同賦者黃庭美遜陳枋蔣運昌查他山詩整妮
牙籤萬卷餘誰言家具少于車儻居會向春明宅好
借君家善本書又同竹垞西厓他山藥亭四人聯句
詩又閨夏共飲限藤檉二字詩曲巷居相近迴欄到
每憑爽閒尋丈地陰合雨邊藤幽事披襟愜新詩計

卷增醉探杯底綠涼影落層層碧草柔牽蔓紅花細
着聖客稀成雅集屋老稱佳名淄淄雲催暮疎疎雨
放晴家園風景似只是少啼鶯

曝書亭集錫山聽松菴僧人性海製竹火爐王舍人
級愛之爲作山水橫幅並題以詩歲久爐壞盛太常
因而更製流傳都下李西涯輩多爲吟咏顧梁汾典
籍又仿遺式製爐恒嘆舊圖不可復得及來京師忽
見之成容若侍衛所容若遂以贈焉丙寅秋梁汾攜
爐及卷過予海波寺寓適姜西溟周青士孫愷似三

子亦至坐青藤下燒鹽試武彘茶聯句成四十韻

甲戌元夕趙恒夫

吉士

飲于中翰章雲

漢翔

古藤書

屋詩一曲新釀出酒樓春來六口起人留豸臺共指
紅燈擁蠶陌羣酣白粥流坐嘯三休叢桂老居停五
易古藤留自啜舊物堅牢甚歡譙吟傳四十秋自注
寓爲金文通甲午舊邸遞傳龔芝麓宗伯何韃音侍
御朱竹垞太史以及于中翰五易主矣予俱叨飲其
中爲之志感

宜興蔣京少

景和

居時孔東塘

尙任

詩云太傅吟詩

舊草堂新開蔣徑自鉏荒藤花不是梧桐樹却得年
年引鳳凰自注京少寓此嘗與阮亭先生過談其地
爲金龔朱故寓云孫松坪

致彌

移寓詩云一枝許寄

卽吾廬莫笑生涯瑣結如堂駐翠華傳太傅帽留銀
榜憶尙書時與王雲岡同寓管青村

楡

詩王猷與其

孫登嘯宋玉堂爲庾信居時爲康熙庚辰以後寓公
侯考今古藤靠壁鉄榦蒼堅古色斑駁洵百餘年物
持屋未宏敞大第已析爲三四宅西偏賃施小鐵岡
卿朝幹

移居時余贈有依稀詩老留題處想像賓筵

載酒餘之句繼而知古蹟在東隣余姓屋內訪之主

人繪圖示客近人王楓亭給諫

友亮

有題句惜未及

失竹垞集馮檢討鼎招諸同年集六枳園對菊詩可

仁南鄰馮檢討則似在海波寺街

傳謹齋副憲

爲訂

移寓方壺齋相傳爲田山薑故寓

吳白華司空贈詩云夾巷笙歌喧北里殘年冰雪愛

南榮又云詩翁例作鴻臚長乾驛論才價未低田時

官大鴻臚傳爾時亦長鴻臚云

亞谷叢書云京師戲館惟太平園四宜園最久名亦佳查家樓月明樓其次比年如方壺齋蓬萊軒昇平軒最著今考諸園俱廢查樓僅存木榜惟方壺齋屢易新名人尙稱爲方壺齋城西僅此一館春初尙盛在永光寺西街

永光寺本元刹梁藥亭

佩蘭

寓與朱悔人宋山言醉

後放歌爲北城弼厥吳鑑南

璜

隨父樸庭寓寺側生

子商寶意

詩

寄詩原是釋迦親抱送永光古寺翠微

僧庚辰成進士由農部任知州殉本果木難吳超亭

別駕與宗題其遺集云早年聲譽動長安一卷梅花
九陌看朱邸賜通宵禁肅水光擊鉢曉鐘寒坐依荀
席衣曾接立並程門雪未乾猶憶瀕行瞻馬首短亭
惜別勸加餐

王漁洋同人集河樓下詩下直經旬髮不梳河樓高
會翦春蔬已喜綠蒲藏眠鴨更燒紅燭射游魚御河
楊柳盡飛花露葉烟條拂狹斜十五年前曾繫馬數
株初種不勝鴉樓似在西河沿今絕無酒肆但有銀
樓

姜西溟湯西厓移居詩椿樹前頭巷先生卜宅成似
今之西草廠衙衙又吳突烟通舍查溝水過灣謂吳
元朗噪查聲山昇皆隣並又吾老欣同巷歸休願息
關故傳西厓嘗借西溟馬出門西溟戲贈有終朝何
太苦駝水又駝湯之譴

保安寺有奇石梁少司空

敦書

寓寺前移置庭院名

曰垂雲作歌阮司寇吾山和移居云曾有詩翁屐齒
經自注此地爲漁洋山人舊居見邵青門集漁洋自
題得樹堂詩老樹空庭得堂因老樹名未審卽此宅

否

邵青門

長蘅

與阮亭尙書書奉別將十年回憶寓保

安寺街踏月敲門諸君箕坐桐陰下清談竟夕恍然
如隔世事清景常有而良會難再念至增惆悵也又
自序憶已未客都門寓保安寺街與阮亭先生衡宇
相對愚山先生相距數十武陸冰修僅隔一墻偶一
相思率爾造訪都不作賓主禮其年寓稍遠隔日輒
相見常月夜偕諸君扣阮亭門坐梧樹下茗椀清談
達曙愚山贈行詩有云踟月夜敲門貽詩朝滿扇蓋

紀實也

椿樹三條衙衙汪文端公寓以所藏快雪時晴帖顏
齋曰時晴公後

賜第東城申拂珊副憲

甫

接住賦詩沈雲椒

初

和詩

云花底春風敞數楹清華水石舊知名簾陰虛受池
光合琴響疎傳竹韻并高唱登壇凌白雪小齋數典
紀時晴結廬豈必尋邱壑早有雲烟拂袖迎

查查浦

嗣琛

有同楊端木

中訥

移寓半截弄詩衣篋

書囊不滿車傍誰池館覓新華雲離翠岫原無主燕

值雕梁便是家隨地可賒邀月酒有錢先買探春花
故園不是無茅屋夢裏寒梅一逕斜

徐蘋村侍郎邸齋名野航陸侍講

肯堂

繼寓顏曰懷

鷗自題舫齋徐恕齋

以升

詩虛舟却與前因証亦是

懷鷗亦野航先是查查浦題懷鷗舫詩繡額珠簾覆
玉缸障風先護碧油幢冬來愛近長安日開了南窓
上北窻查他山詩江湖宛在小牕前便欲從君借榻
眠夢作白鷗歸未得鱸鄉亭外水如烟

秦鑑泉學士

大士

壬申狀元寓半截衚衕庚辰庭產

芝草長君芝軒

承恩

中式作瑞芝詩庚寅又茁一芝

次子

承業

中式賦後瑞芝詩又有芝是科名草恩爲

及第年之句余壬午以課藝就正蒙有張湘曉之褒
未幾假歸不出芝軒今開府關中

陳文簡公

元龍

愛日堂第在繩匠衚衕西有園亭通

北半截衚衕似是錢少司寇

維城

宅今歸查氏

查查浦癸巳使廣東還京仍移半截舊寓詩呈湯西
崖院長周桐塋宮端湯則南隣周則舊寓此宅詩縷
絡藤梢架未蕪注中庭紫藤係宮端手植名起渭貴

筑人

齊次風侍郎

召南

移寓半截衎衎賦詩八首阮裴園

檢討

學浩

與弟澂園

學濬

和韻巷南逼近橫街夏日

又從橫街移居賈家巷卽陳勾山

兆崙

舊宅原宅又

爲齊接居疊韵八首有晨夕好趨前輩召句謂張月

槎

漢

沈勉之

榮仁

張南華

鵬翀

李玉洲

重華

彭芝庭

啟豐

寓皆隣近云勾山移住粉坊又疊前韻有兩鬢

公據東西壘謂南華與周石帆

長發

寓占東西三館

人聯遠近坊謂同館寓宣武門南約三十餘人杭堇

浦世駿和作俱見本集

王文貞公崇簡有青箱堂沈白樓受宏詩西園地接

紅塵陌東第門開白玉京容園見孫松坪詩怡園跨

西北二城爲宛平王文靖公第賓朋觴咏之盛諸名

家詩幾充棟胡南荅會恩牡丹十首鋪張盡致石爲

張南坦所堆見於池北偶談查查浦集有公孫枚孫

景會庚辰招同年飲怡園時已非全盛讀湯西厓怡

園感舊詩朱門幽寂似岩阿璧月圓來兩度過今日

城南韋杜少舊時池上管絃多花經婉婉經秋未人

顧娉婷奈老何顏却玉山拋寶盞不須重唱百年歌
汪文端感宛平酒器詩華星難追金谷盛注怡園毀
廢數年是爲乾隆戊午此後房屋拆賣殆盡尙存奇
石老樹其席寵堂曲江風度

賜匾委之荒榛中今空地悉葢官房相傳吾鄉沈綸
翁太史少遊京師被酒過橫街值怡園諸姬歸院失
避以爆竹炙面而歸故先君上元絕句云宣南坊裏
說遺聞丞相園林步障分猶記笙歌歸院落一時懽
悴沈休文

熙寧壬子清明東坡看花於錢塘吉祥寺洪武壬子
清明楊孟載看花于西江省掖時去坡公三百年賦
詩追憶序末云有爲後三百年張本語雍正壬子清
明去楊公三百六十年吳江王載揚藻邀同人會于
怡園客爲沈麟洲元滄丁靜者凝張得天照李世份
鍾僑楊蔚友炳劉延清統勳彭翰文啟豐顧小崖成
天商蒼雨盤沈慎旃廷芳凡二十人彭商俱有和詩
見本集

雍正辛亥三月任少司馬蘭枝假怡園集庶常會課

以賦得花枝照眼句還成爲題陳文簡賦詩云午橋
舊接瀛洲路授簡登堂盛事新

徐憺園司寇碧山堂雨中宴同館諸公詩積雨衝泥
會故人高齋當暑似蕭晨十年冉冉存雙鬢百感茫
茫集一身緱嶺仙人曾憇洛高陽才子正遊秦今朝
佳宴逢休暇莫厭當筵酒殘頻時王瑁湖

頊齡
豫回

許生洲

孫荃

視學秦中孫屺瞻同作云飲同河朔興

偏狂炎夏先秋五月涼暑去天容金谷酒雨深人坐
碧山堂十年蓬鬢星星改一座蘭紉欸欸芳更席再

謀傾細酌那辭扶醉遶迴廊考碧山堂在繩匠衙衙
今改作休寧會館屋宇軒敞爲京師會館之最其南
其北昔爲秦文恭師姜度香司寇劉司農宅當日自
合而爲一宅故能容滿堂珠履漁洋低歸門人黃叔

琳李先復

胡閏

餞于碧山堂查他山飲徐尙書碧山

堂花下詩謝公別墅近城濠載酒曾陪飲興豪不料
故人還客此猶能折柬致吾曹商量未定將歸燕搖
落何堪舊種桃并隨平生知己淚廿年塵土一青袍劉
大山岩詩碧山堂裏老尙書二十年前此卜廬讀之

之並有對此茫茫之感孫松坪有冠山堂呈健菴先生詩宣武門前卜築寬過從忘却左長安或卽碧山橫街有第乃怡園之一隅向爲王氏世守後賃張總憲若淮吳少宰嗣爵韋約軒中丞謙恒自黔回京再

入詞館賃住怡園廢址尙剩四松乃構亭于松石間顏曰四松并栽花樹二十餘本賦詩云半畝荒園枕碧苔小亭容我日裴徊斷無熱客侵書幌合有門生共酒杯松石尙能邀月到鶯花偏爲逐春來平津車庫尋常事漫說當年蠟淚堆又構有椒書屋方桃杏

盛開屋又轉售住只年餘留別詩知道主人將去汝
故將顏色媚春風次首云不知接葉成陰後誰記山
翁手自栽

北半節衡衡有聽雨樓相傳爲嚴分宜東樓前後卽
其故第汪荇洲侍郎曾寓見王樓村集近韋約軒中
丞自四松亭移居有醉經堂古藤書屋得石軒松石
間精舍槐蔭館綠天小舫桐華書塾九日同人送吳
白華司空使楚分體賦詩今歸查氏其南爲吳興會
館自是樓旁餘屋紀太僕

復亭

以清遠名其堂公車

賴以栖止先是吳少司馬

應葵

寓順承門街東井書

屋捨宅爲館不遂孫宮允

人龍

另覓地工未及完假

歸詩轉爲枌榆籌未了草堂花徑幾時新嗣又闢地

擴館吳比部

巖

植藤今已滿院王觀察

鑾

植槐余題

句云初白槐窠問有無槐街更憶小長蘆風流二老
前型續消夏聊將種樹娛館近不戒于火癸丑修整
復完

東井書屋吳眉菴司馬宴客示嶺北集杭大宗詩官
因右部論兵偉詩比東坡過海奇常以秋日召客名

曰秋盤酒具曰犀槎徐觀察

以升

詩每羨秋盤嘉醇

醪泛犀槎張太史

映斗

有犀槎歌又得墨紗蕉幅張

之齋牖因名蕉窓賦詩亦極一時觴咏後歸紀太僕

費學士

南英

今屋已成墟東井亦枯

廠西門外爲南北柳巷徐懋園出都韓慕廬王橫雲
送至柳巷口占賦贈柳市涼吹送客廳高談二妙有
新辭二公乃司寇王子所取士故云南柳巷對魏染
衙衙查他山集槐核不能容遷居魏染衙衙西隣棗
樹垂實故名棗東書屋張匠門繆湘芷于此餞飲又

吳文簡公裴舊宅

賜額蘭藻尙存沈東田方伯寓此東有飼鶴軒後祝

芷堂

德麟

曹劍亭

錫寶

俱居相傳爲吳梅村祭酒故

宅湯西厓少宰亦寓有聯云旁人錯比楊雄宅異代

應教庾信居迤南大宅金檜門總憲第有一經齋

查他山集有宮友鹿寓孫公園與唐實君楊耑木同

巷贈句云墻頭過酒傳鄉語花底移牀夢故山

毛西河會鴻博同年于衆春園各賦一詩未知其地

偶見李子實筆店招帖開設衆春園口乃卽今虎坊

橋西炭廠昔時勝地不知何時始廢又徐司寇有邀
陳說岩太宰虎坊橋南別墅詩朱竹垞有虎坊南園
聯句今橋南下窪盡荒塚矣

竹垞已未同徐檢討

鈞

移寓虎坊橋輯瀛洲道古錄

查他山別譚都諫

瑄

詩宣武門東舊宅虎坊橋畔憑

欄可惜手栽紅杏花開又讓人看似皆橋西債宅閭

恭定

循琦

廓而大之繼居者王韓城趙副憲

湯西厓宣武門東城下曉行詩老去應官有底忙未
明先起攬衣裳人從鴉鵲聲中出路入輪蹄影裏長

暉下已添秋水勢城陰初散曉烟光隔河樓上花枝
好尙護重衾半篆香自是西河對岸城根今禁行車
孫松坪集徐虹亭 軌 檢討寓齋阮亭少詹舊寓也庭
中老椿二株近百年物招飲賦詩云嘉樹經秋未減
陰夕陽霞影落杯深地偏只許詩仙住句好長留醉
客吟甫里夢牽蕓菜滑明湖書憶鯉魚沉憑將盡取
藍田野古木城均共盡簪似又一宅非保安寺街

藤陰雜記卷下

吟梅居士

北城下

萬善給孤寺東呂家藤花刻元大德四年字倪給諫
國璉

聯句一庭芳草圍新綠十畝藤花落古香商寶

意詩萬善寺旁呂氏宅滿架古藤翠如織鐵幹誰鑄
大德年模糊辨是元朝植今屢易其主藤尙無恙

田司農

雯

古權堂詩話已未予領冬曹節慎庫自橫

街移居粉坊巷先至其處督奴子搬家具悶坐久作

詩題壁有牆角殘立山薑花之句俄而漁洋至見而和之徧傳都下和者百人原唱云東野家具少于車學打僧包何爲家一捆亂書十瓦鉢奚奴負走如犇廢小巷偪塞同破寺鄰人指說來官衙自操箕帚埽土銼糊窻吹紙西風斜雨淋屋塌堆瓦礫牆角殘立山薑花日暮天寒驗霜信匝飛禿樹啼老鴉短檠無油月相照二更三更城鼓搗魚目鰕鰕瞠不睡直從萬古尋羲媧陳其年序云一官落落竟無百花潭上之莊八口搖搖何來萬里橋邊之宅相逢詹尹惟話

卜居不遇伯通誰爲賃
麻鹽瓶醬甌頻憂觸于宣武
街前豚栅雞棲幾轉徙于崇文門外
每因賒酒慣惱隣翁只爲擔書恒吁老僕
此烏飛三匝先生旣自起而嘲鶴借一枝
衆客亦同聲以賦也近彭芸楣尙書
元瑞與戴篋圃太常第元官翰林時易居亦用此韵
蔣荅生和之辰垣記畧因崇文門句指爲東城按詩
明云橫街移居奚奴負走則爲粉坊琉璃街無疑不
必泥崇文句也

毛西河四屏園送吳郎中歸里賦詩園在橫街口內

荒塚巖然

施愚山移寓寄宋牧仲詩書聲不敵市聲喧恨少蓬蒿且閉門此地栖遲曾宋玉蘇牆零落舊題痕曠園雜志已未愚山寓邸寄雲樓下老梅四月開四花俄而報至施與高詠俱入翰林南隣孫卓榜眼茆薦馨探花皆同里人是科四月殿試果符四花之兆

瑠璃廠正月遊人雜銓名曰誑鮑西岡春遊詞

云車駐雕輪馬駐鞭手拈瓜子步差肩排門盡啟君平肆趁賺痴兒問福錢叢脞書多卷帙殘幾人着眼

笑酸寒南沙畫片香泉字幅幅裝池骨董攤料絲羊
角燦成行簇帛堆紗錦繡裝歲歲燈棚變新式鰲山
結撰到西洋像生花草捻泥人鼓板笙簫小店陳風
景不殊吳語雜勾人情緒武邱春

延壽寺宋徽宗北來寓此趙甌北翼弔詩牟駢岡下

去匆匆旌葛曾歌此寺中花石綱空成艮岳鐘魚界
豈是離宮兩河有地更新主四海無家作寓公遺跡
不須悲古刹黃龍北去更途窮往事無端感靖康但
知割地少周防削瓜疆土蝸爲國厝火君臣燕處堂

空有同聲呼少帝絕無一戰作降王可憐問寢循家
法古寺猶傳禮佛香謂欽宗寓愍忠寺時來問安

汪鈍翁集京師豐臺西河沿皆與同人習遊者病中
追賦芍藥坡前賣酒家曾携車騎醉春華誰知老向
空山裏猶夢豐臺十里花病懷衰骨兩支吾記得年
時卧酒壚借問河邊攀賸柳也應憔悴似人無

吳梅村琉璃廠詩琉璃舊廠虎房西月斧修成五色
泥遍插御花安鳳吻絳繩扶上廣寒梯

琉璃窑東遼御史大夫李內貞墓誌稱葬于京東燕

下鄉乾隆三十六年工部郎孟補亭維監督審厥空

地瓦礫中忽露人腿一條緝究未獲四處挖掘因得

李內貞墓誌僅載官御史大夫生卒葬于京東燕下

鄉海王村知琉璃廠遼時爲京東鄉村海王之名始

見因亟爲封墓墓碣并乞朱學士筠作文勒碑李爲

晉人孟亦晉產事有巧合余時同官水部曾見命案

數月獲兇卽廠外居民妬姦支解屋小不克全埋將

腿擲入廠內云此案見水曹清暇錄辰垣識畧微有舛誤因改正之

廠東門內一宅相傳王漁洋曾寓手植藤花尙存近

程魚門

晉芳

移居以詩寄袁太史

枚

有勢家歇馬評

珍玩冷客攤錢問故書之句袁笑曰此必琉璃廠也因記商寶意移居萬晴初訪之見門對云豈有文章驚海內從無書札到公卿萬曰此必商公家矣

孫公園後相傳爲孫退谷侍郎別業前爲安州陳尙書第後有晚紅堂吳白華司空官翰林時賃住公讌座師王文莊公戲臺聯云地近春明憶當年甥館清娛幾聽後堂絲竹序先秋禊幸此日師門暇豫共陪高閣檐帷蓋宅爲茶陵彭大司馬

維新

舊第公乙丑

及第後于此贅姻宅後一第有林木亭謝沈雲椒侍
郎寓焉有蘭韻堂詩云匝地清陰三伏候參天老樹
百年餘

興聖寺在琉璃廠南胡南荅有大雪步至興聖寺訪

沈存田一揆同年用東坡聚星堂雪韵近潘榕堂司

馬汝誠寓寺雪中召客亦用聚星堂韵胡潘前後丙

辰進士亦巧合矣孫松友梅一夕六疊原韻

劉文定師初寓橫街移居詩兩堆故紙壓肩頽牆角
搜羅到短檠豈是全家多道氣載來雞犬亦同行僕

夫忽報起朝早小樹翳髻夜氣疑此去天街多半里
驚心幾杵丑時鐘

程文恭

景伊

第在橫街有綠雲書屋文定題云仙雲

童童覆瑤席仙人展坐春無跡笑認窺檐老樹枝此
是吾家道南宅

鐵門宣城館施愚山故宅王漁洋過感詩暮天黃葉
落一過西州門無復高人迹空聞鳥雀喧新阡思掛
劍舊館憶開樽南望澄江水誰招屈宋魂

座師王文莊公初寓韓家潭七月二十五生辰每于

中秋前後張樂邸第燕乙丑同年及門生其戲臺對
聯最爲精切憶己丑歲則云十七夕彩滿蟾宮賡隔
夜霓裳舊曲廿五載班聯鵲序萃當年蓉鏡羣仙庚
寅歲則云壽宇覃禧借綵山鶴舞餘籌更譜瑤笙諧
鳳吹晚香勵節集蓬島鵲班舊侶重翻霓羽侑鸞觴
堂曰寶言因太夫子文山先生著寶言堂家戒書室
曰夢舫因夢憶西溪而名比鄰外郎營爲徐文穆公
本第昔延文山先生課諸子文莊隨待後徐氏以第
歸文莊甫興作而

賜第護國寺因售作全浙公產凜存堂額尚在

曹文恪

秀先

第在米市街衙癸巳仿真率會邀程文

恭公嵇文恭公吳恭定公

紹詩

總憲張公

若淮

大司

寇崔公

應階

少司馬蔣公

元益

戊戌再集易以漳浦

蔡公周文恭公

煌

總憲羅公

源漢

有七人元旦五百

歲之句朱石君先生以二老同年十九科爲對指蔡

公也

四川營四川會館相傳秦良玉勤王至京駐師于此
後改石芝菴旋作會館王樓村集有石芝菴四律而

不及秦事京師亦別無石芝菴記以俟考

櫻桃斜街阮都諫

應商

寓姪

學浩

入翰林吳文簡

襄

贈詩斜街舊雨憶黃門六十年來老弟昆

靈椿坊李鐵拐斜街黃侍郎

叔琳

父卜居夢祖授以

小鉞侍郎果巡撫浙江庚午重赴鹿鳴宴新同年蔣

荅生

士銓

呈詩云玉筍爭傳少日身新城門下獨嶙

峴舊家標格真龍鳳弱冠文章老斲輪極美科名周

甲子斯文壽考應星辰漁洋弟子今存幾霜雪垂肩

第一人名宦功成髻已班大夫致政許歸閒高馮寶

鏡藏金背裴楷天官說玉山學士半生春夢過尙書
七十白衣還年來吉月趨朝便履道原居輦轂間汪
文端祝八十詩高門列戟邁金張鼎望崆峒戴斗鄉
甲第日邊光化里午橋都下集賢坊渥洼早騁臺驄
步棣萼俱傳榜藁香看取德星歌壽愷華簪接席笏
堆床巖海珊呈詩曾爲揖客老難忘聞得如今鬢未
蒼宗派別開黃魯直典型猶見蔡中郎詩鐫五季行
之遠史埒三通志最詳歎息帶經堂已圯叫殘鷓鴣
草痕荒公昔受業新城爲刻詩話史通補子孫科甲

繁盛自同年觀察符綵亡後漸不振矣

城南刺梅園士大夫休沐餘暇往往携壺榼班坐古

松樹下觴咏間作譚舍人吉璉佐郡延安同官于此

祖餞聯句五十韻高太常層雲繪以爲圖詩載朱竹

垞集又竹垞同何侍御元英飲松下詩禁烟高柳遍

龍潭未得同遊祇自慙小榼春風携最好又騎驄馬

到城南又刺梅園餞陸進詩刺梅園裏青松樹笑我

重來竟白頭孫松垞致彌詩好覓南隣朱檢討典衣

還醉刺梅園

陳其年祖園詩誰割龍潭景添成物外游徐憺園飲
袂祝園詩舊遊農壇西紫閣鬱連畛入門問邱壑憑
欄紆勝引似又一祖園非右安門外祖氏園亭也

黑龍潭康熙中爲讌遊之地徐憺園王橫雲集俱有
詩胡南荅九日集潭詩夕眺清秋望眼寬客中令節
思漫漫空潭木落龍眠靜斷磧霜黃雁陣寒北望雲
霞雙闕迴西來紫翠萬峯攢朱門多少題糕興誰向
荒郊載酒看張匠門

大受

遊黑龍潭地爲新城尙書

游讌處賦詩云可惜尙書去城南日影斜高亭一悵

望林外總歸鴉

黑窰廠登高詩充棟不過寫景惟漁洋四律蒼涼沉
鬱精華錄不選全錄于左詩云寒雲蕭瑟古今哀携
客同登萬里臺宮闕蒼茫生返照山川突兀入銜杯
風高九塞悲笳起木落三關朔雁來惆悵東籬兄弟
在故園黃菊背人開對酒當歌勸濁醪紛飛木葉下
亭臯談經江左中朝貴戲馬彭城六代豪銅鼓雄師
開瘴癘朱方新戍亂波濤蒼然平楚商風裏咫尺雲
天首重搔大漠東來走令支山河明滅影參差滹沱

濁浪凌秋急，碣石寒雲出。塞悲九日登臺思，郭隗十年長事少。袁絲重來擊筑商歌苦，菊蕊楓彫又一時。蘭蕙初薺拂素波，佳期渺渺奈愁何。憑高且盡燕姬酒，異地長爲楚客歌。廢苑人稀衰草合，諸陵秋老夕陽多。遠遊寂寞湘潭侶，欲盡雲旗問九河。國初亦是讌遊之地，芝麓尙書花朝讌集。又招汪茗文、王阮亭、李湘北、陳其年、饒董玉吼以泰州雜詩分韻。徐懋園集有陳說岩、太宰招同竹垞、西溟、黑窰、厥最高處燕集詩。張幄以禦風重氈覆青油，芳茵藉促坐，曲几羅。

庶羞似支搭帳幄未有亭閣今日密臺僅一上阜間
有茶肆遊人陶然亭歸在此小憩

城南有龍爪槐僧言三百年矣徐虹亭鉉菊庄詞話

白門紀伯紫云壬子季夏僕與合肥龔宗伯山陽陳

黃門台孫同飲龍爪槐樹下填詞則其地在當時亦

名流屐齒所必經也飲槐下竟日清風謾謾可以忘

暑陳黃門寓保安寺傍亦有雙槐軒孫司空在豐飲

龍爪槐下詩槐綠陰陰花事稀到來庭翠欲侵衣龍

蟠車蓋橫空態鳥啄林芳自樂飢錢落沈郎榆筴滿

風隨謝女柳綿飛
薊門長嘯還携酒
拚得如泥醉不歸

龍泉寺二巨鼓
王文靖所置
宋牧仲太宰嘗偕諸名
輩風氏園看松
回至寺中倡和詩
皆長篇
王樓村宮
友鹿尤擅場
至雍正時
鮑西岡有悼松時已無存矣

沈心齋閣學

涵

集戊子春杪僉憲勞介岩

之辨

汪涵

齋少司農

晉微

孫樹峯少宗伯

岳頌

張劬齋少司寇

睿

朱近菴少京兆

年皆七十舉五老齒會于陶

然亭用人生七十古來稀爲起句詩人生七十古來

稀五老同時逸與飛名並香山非去國數逾商皓更
忘機花開金谷扶殘醉曲奏霓裳駐落暉自是昇平
多勝事年年高會傍岩扉乾隆戊子沈東田方伯世
楓在京邀陳太僕北崙周學士景桂朱鴻臚續經傳
副憲爲詩作五老會亦奇

查他山遊陶然亭詩望遠村東緩轡遊忽從飲馬得
清流黃塵烏帽抽身晚白露蒼葭洗眼秋風偃萬梢
鋪井底日斜雙鷺起城頭誰憐一派蕭蕭意我是江
南不繫舟自注余寓城南道院在望遠村去亭二里

陶然亭建于江

藻

爲工部郎監督審廠有記勒石百

餘年來遂爲城南觴詠之地名家集中多有登覽之

作如鮑西岡清明詩云花枝姪姹柳傴僂郭人家

上塚冬遠樹日晴山露影廻塘風颭水生波草芳野

徑裙腰合木蔭空亭屐齒過選勝知誰閑載酒妬他

畫榼與香螺近人詩以曹習菴

仁虎

穿荻小車疑坐

艇出林高閣當登山爲絕唱吳鑑南

瑛

詩亦佳載隨

園詩話

己卯重陽前一日董文恪公邀蔡殿撰

以臺

陳光祿

孝泳

先大夫遊陶然亭卽事有作先大夫敬和云清
秋又見菊花黃佳日登臨憶侍郎獨登吟肩參末席
齊開笑口說重陽觥籌交錯傾三雅風雨爭飄忽滿
堂最似奎章虞閣老白頭騎馬興飛揚

癸未九月十三日吳白華曹習菴程魚門阮吾山趙

璞函

文哲

陸耳山吳櫻堂

省蘭

集陶然亭作展重陽

會送董東亭

湘

假歸海鹽聯句五十韻纏綿悱惻不

減竹垞刺梅園送譚舟石詩佳句如延緣穿葦雪陵
緬俯松濤疊磴依林峭迴闌架石牢塔痕紅峯峩峩

影翠唧嚙笏室苔鋪繡弓畦菜摘芼餘甘分綵柿殘
繡上花糕寫景工綴東亭歸卽下世今惟白華稷堂
二侍郎存

陶然亭又名江亭春秋佳日宴會無虛亭前廓以軒
楹可容小部汪訥菴敬叔夏日招水部同人會飲是

日大雨如澍雨聲與笙歌相間亦春明所罕遇也翌
日記之以詩

各省公車至京場後同鄉宴集吾鄉向在陶然亭設
宴飲酒論文孫宮允人龍嚴都諫源燾吳比部岩在

座尤轟飲盡致不醉無歸此舉四十餘年不廢自庚

寅以後余倡議應京兆試亦循此例章湖莊

金

會必

有詩庚子秋讌詩云高秋爽氣入高樓放眼雲山簾

此遊桑梓誼均座上客挾廬環似水中舟德星聚共

文星炯吳下人爲日下留預識榜花開四照聲名爭

奮鳳池頭甲辰會詩暫借江亭作下菰芳郊勝集共

提壺席間高會紛掄社檻外平懸清遠圖萬里歸來

聯舊雨三年老去認今吾

出守寧夏
降補來京

迴思七度隨裙

屐惹起鄉情到五湖

風氏園古松見于諸家題咏高文良

其倬

賦長歌濃

陰數畝自周遮橫列十人容坐語不知何年剪伐繆

湘正

沅

集風氏園旁數武有武家窰與黑龍潭相對

水木清華渚激環亘風日澄霽宛似江南李總憲

楫

將于此移築廣陵館仙去不果丙戌重過悲從中來

賦五古一章今黑龍潭左右一望黃沙夏秋菱蘆叢

薄誰復知有風氏園者

嚴海珊刺史暮年赴滇邀姚礪圃陶然亭話別有無
花無水遇不以時之感刺史未幾卽卒姚哭以詩云

無花無水黯消魂
空對春風倒酒樽
今日陶然亭上坐
寂寥詩境與誰論

沈東田方伯就養京邸
秋日步至陶然亭以楹帖慧
眼光中開半畝紅蓮碧沼
烟花象外坐一堂
白月清風爲韻成十四絕句
手書壁間

陳無軒悼肄業成均館
虎坊橋韓城王公邸
宋芝山

葆淳

作湘管齋圖題屋宇韻七古
一時和者甚衆朱

笠亭

炎

諸君又合作一圖
無軒荅詩云名齋竊取湘

東竹落紙烟雲輯瑞玉雲巢

華亭董椿

捉筆先樹石濃陰

漬破莓苔綠酌翁

海塩陳搏

接手起坡陀上作峰巒下川

谷閣外清森桐百尺莘園

錢塘王學淳

遠寄孤高目芝山

補竹小松

錢塘黃易

松各擅所長非節錄嗣是歷遊南北

和者數百人無軒自疊韻至三十首錄爲湘管聯吟

齋雖構于苕西圖則始于都下余于乙卯至齋壁有

沈芥舟瀟湘八景足與湘管並壽矣

辛亥八月秋法時帆

式善

會己亥同年於陶然亭卽

席賦詩伊墨卿

秉綬

二律超妙擅場詩云年光如水

判流東華鹿聞歌似夢中今雨都來聯舊譜秋山相

對坐春風蘆花傍渚搖空碧楓葉穿雲露晚紅共是
五更聽鼓客蕭齋難得一尊同山外秋雲抱郭飛僧
仍老圃築場歸看花最憶元都觀走馬猶疑綠衣
我輩酒懷殊卓犖雨餘天氣漸霏微若尋簪帽當年
桂聞道蒼蒼已十圍

藤陰雜記卷十一

郊垞上

吟梅居士

出東便門循河五里爲雙林寺林木蔚秀查他山秋
飲雙林寺河亭上詩共喜聯鞍去精藍古堠邊斷橋
花底驚高岸柳陰蟬野意迎涼爽秋容得雨鮮昔遊
吾自訕塵土焚三年

近年邱侍御文愷查糧駐此余曾往訪

朱竹垞有嚴侍郎

沆

招集吳氏園亭詩八騶曉出郭

門東避暑間園河朔同山簡賓寮携沼上謝家褰屐
滿亭中微涼高柳虛檐日過雨新苗隔岸風四坐傳

杯渾不醉主人先已百分空

毛西河請假同年餞于沙河門外朱竹垞賦長律二十韵中有云曉雨千門散新泉五牕聞花光晴淡池峯翠遠氤氲祖席移帆影回塘蹙水紋則是東便門外而非沙河明矣

田山蘊

雯

以工部郎分司大通橋九日泛通惠河繪

圖歌云賤子行役鈍無用老牛服箱鞭不動軋軋泥塗垂轡銜白汗翻漿四蹄重五閘瀨激長河通一橋雲聳白堦共中流破版鴨嘴船搖櫓唱籌日倥偬官

帖倒耗水衡錢短車苦捉天庾貢一百七十萬石米
常抱東南民力痛自春徂夏風日佳吏人趨走蠻觸
闌夾岸柳花半篙水何暇延賞作清供重陽料峭西
風急老菊叢開燕麥種客來快馬著輕衫大呼上船
氣豪縱崖崩禿樹黃葉翻瓦罌濁酒白衣送捩柁開
頭百丈牽欵乃無聲雙蹇鞋長年三老不曾識赤脚
奴子爲此弄豈是操舟張水嬉但同打鼓騎屋棟可
笑茲游亦草草蕭騷野態集騶從日暮入城寒雁來
輭塵撲面同一夢郁生爲寫秋泛圖我欲作歌招屈

宋曹

貞吉

題云官河浩蕩城東隅舳舻銜尾舟人呼

五閘屹屹蓄水利奔流直下跳圓珠九日已過氣蕭
瑟田郎治具招我徒方舟次第羅几案琉璃色映紅
璫瑜微風舒舒旗腳轉波浪淡折靴紋粗鳧鷖亂流
唼荇藻枯楊夾岸森千株欸乃聲中魚網急恍惚身
入江南圖溪橋小市足蝦菜人聲往往雜燕吳巫峽
灘平水清淺牽以百丈驅兩驢諸君觴行乃無算發
狂大叫驚僮奴潞河浮圖條在眼峭帆恨不凌江湖
返棹扳蘿登古堞蒼然秋色來平蕪夕陽欲下寒山

紫廻光激蕩紛有無結束短後上馬去城頭暮笳吹
鳴鳴朱竹垞題九言詩云田郎與我相識今十年新
詩日下萬口爭流傳黃塵撲面三伏火雲熱每誦子
作令我心爽然開軒示我秋汎圖五丈鴨頭画宛似
吳中船大通橋北官舍最湫隘箕筭升斛囊橐羣喧
闐他人對此束縛不得去田郎棹頭一笑浮輕漣疎
花蒙龍兩岸渡頭發蹇驢蹶躑百丈風中牽五里十
里長亭短亭出千絲萬絲柳枝楊枝眠當其快意何
啻天上坐酒盃入手興至吟猶顛慶豐開口只有此

渠水未知經過誰子曾洄沿倉曹題注各姓不可數
似子飛揚跌宕真無前長安酒人一時賦長句我亦
對客點筆銀光牋篷窓寂寞不妨添画我從子日日
高詠秋水篇近年圖鬻于市爲馮編修集梧所得更
徵時人題咏

城東捲地黃埃一過大通橋見水頓覺心曠神怡故
二腫泛舟都人目爲勝遊之一昔汪訥菴郎中啟淑
招水曹同人春日泛舟卽事詩云夾岸修楊綠帶烟
蹇驢解挽楸頭船鄉情暫釋塵襟爽仄洞原來別有

天葛衣疎爽水風涼
弭楫時聞杏子香
蘆葉蕭蕭蛙閣閣
恍疑睡起魏家塘
余和詩云十里迴塘愛倚橈
柳絲菰雪扇輕颺
塵中暫領江鄉逸
恍泛烟波十四橋
寺指雙林鼓柁遲
一灣清淺路逶迤
筆牀茶灶安排好
艇子呼來似總宜

西湖船名

戊申視東城因公再泛

繪圖記事同年章約軒

謙恒

詩云鳳城東去草如茵

春水初生漲麴塵
吟徧垂楊千萬縷
渾忘身是畫中人
鄉思頻年入夢牽
烟波長憶楸頭船
一篙忽見桃花水
苔雪居然到曉邊
伊雲林

朝棟

集唐云繞城波

色動樓臺誰喚分司御史來看弄漁舟移白日須成
一醉習池迴百壺那送酒如泉隱隱飛橋隔野烟春
水船如天上坐多應吟盡夕陽川水烟松色遠相依
白鳥啣魚上釣磯幾度木蘭舟上望近來詩客似君
稀法時帆

式善

詩云石橋東去水雲濛千點桃花雨

一篷多少詩情傳画裏春愁不繫柳絲風生平愛上
釣魚船不著簑衣不扣舷今向先生乞雙漿江天佳
處便流連昨歲曾題秋泛圖

卽馮鷺庭所藏田
山薑路河秋泛圖

寒塘

衰柳半模糊而今新綠依稀在誰是當年舊酒徒余

自題云倉曹秋泛憶山薑漫比芳踪題柱郎春水方
生時更好花鬢柳眼撲輕艎

湯西厓大雨出廣渠門詩滑滑深泥沒膝初長安街
市欲生魚艱難去馬來牛跡蕭瑟盲風凍雨餘但覺
人間盡虞坎不知何處是高車隔林燈火冥濛起恐
有幽人內讀書又新寺詩一徑陰濃舊荔牆偶隨清
梵贊公房松梢細滴長廊雨佛院微明小炷香空自
布金施長者至今紈扇剩昭陽百年興廢須臾事意
蕊心花入道場

黃金臺相傳齊化門外土阜名作如林曹實菴

貞吉

滿江紅詞云落照蒼然空掩映荒臺數尺憶當日君
臣之際悲哉昌國七十二城如解籜功成翻削英雄
色讀先生一紙報燕書爲沾臆 碣石畔風蕭瑟卽
墨下牛騰擲笑安平奇計兒童能識騎劫庸才何足
道可憐戰血凝深碧問千金馬骨倩誰埋邯鄲陌
左安門外韋公寺宋牧仲遊安親王園不得入過寺
有作竟阻尋幽興空携作賦才開樽思兔苑杖策過
香臺画棟秋雲隔松關暮雨催南征聞奏捷飛蓋會

追陪高念東侍郎韋公寺看海棠詩燕子初來杏子
酸早朝幾度又春殘莫嫌逆旅鶯偏澀但出城闌地
自寬縱使海棠嗔醉客豈無芳草待吟鞍風光好處
皆遊遍不信如今是作官占斷穠華別有情妖姿帶
睡亦傾城三章約法棋書酒一夜關心風雨晴藜杖
自當酬語燕金樽何忍負啼鶯出門無限尋春路笑
煞沾襟阮步兵

陳澤州有客園呈大司馬宛平公長律似在郊外而
非怡園朱竹垞王尚書招同人讌集豐臺藥圃詩上

苑尋幽少東山載酒行發函初病起出郭始心清元
老風流獨羣賢少長并甘從布衣飲真得古人情山
田圍輞水左右出豐臺是日孤亭坐繁花四面開蟻
浮傾更備蝶舞去翻來卽事多高詠天涯不易哉

王橫雲宛平太傅別業看芍藥詩鳳城南陌敞雲莊
紅藥翻堦繞徑芳獨殿二春矜絕麗競分五色炫新
粧霞光長護中書省金葉爭妍書錦堂底事滿園羅
萬本鹽梅調鼎費平章重枝累葉蔭雲根雨露偏滋
獨樂園自是黃腰登宰輔却隨青草號王孫春來土

女干羣出香入衣裾數日存更喜名賢多麗句一時

傳寫管城髡唐東江

孫華

宛平公招同豐臺園中觀

芍藥詩芳園十里筍輿便醉露欹紅正門妍百和香
吹花似海干巡杯送酒如泉青簾罨曖翻堦影紫霧
氤氲覆樹烟劇喜丹顏渾未老後堂長得侍彭宣

豐臺賣花翁張姓女名阿錢毛檢討

奇齡

納爲小姬

目有曼光陳迦陵名曼殊明慧能詩以奇疾歿檢討
作別誌書磚並錄同館哀輓之作記其最婉麗者汪

蛟門

懋麟

云荒村小婢賣花回補屋牽蘿小鏡開怪

底紅顏如芍藥妾家生小住豐臺汪舟次楫云春到

長安芍藥開尋花曾一到豐臺自從解語歸金谷不

是花時客也來喬石林萊云村庄無復住東牆但對

名花引興長莫道小家劉碧玉一生不嫁汝南王邱

曙戒象升云昨夜優曇帶露開簪花迤邐到豐臺湘

簾一控春如海萬朶花光入座來趙秋谷執信云淡

紅香白好容顏寶髻堆雲作百鬟喚作佛花元自悞

如今爭肯住人間吳寶厓陳炎云阿錢生小態嬋娟

多病飯依繡佛前不信曼陀花一朶忍教憔悴夕陽

天曼殊病劇作留視圖梁蕉林相國題云百朶雲光

綰髻斜焚香小坐澹鉛華畫圖展向春風裏好護豐

臺第一花時陳迦陵

維崧

作四六序周贊善

青原

作

續長恨歌語多悽惋詳西河集及虞初新志不具錄

曼殊養病墳園比隣刺梅園老尼過之讀壁上詩感

嘆涕零後述之識者曰此梁蕉林春郊卽事十首之

二也老尼明季宮婢故讀之傷心詩云河外人家郭

外村金鞭玉勒走王孫墅橋東畔迢迢路芳草斜陽

晝掩門画樓高處故侯家誰種青門五色瓜春滿園

林人不見東風吹落海棠花

豐臺在宛平縣西草橋南爲近郊養花之所元人園亭皆在此今每逢春時爲都人遊觀之地自柳村俞家村樂吉橋一帶有水田橋東有園其南有荷花池墻外俱水田種稻至蔣家街爲宛平大學士王文靖別業向時亭臺極盛今亦荒蕪矣其季家廟張家路口樊家邨之西北地畝半種花草半種瓜蔬劉村西南爲禮部官地種植禾黍豆麥京師花賈比比于此培養花木四時不絕而春時芍藥尤甲天下泉源從

水頭莊來向西北流約入九里轉東南入

南苑北紅門歸張灣水清土肥故種植滋茂春芳秋

實鮮秀如畫

人海記

王橫雲夏日同人祖園宴集詩曾隨勝侶到雲莊綠
柳參天夾道長坐樹黃鸝迎客語窺魚白鶴愛溪涼
幽岩樽酒宜晴日小閣蒲荷恍故鄉一別名園驚隔
歲美君絲竹漫徜徉王漁洋司寇過祖氏園亭詩依
然春草樊川路並馬來過覆盎門記得城南天尺五
綠蕪紅藥水邊村陂塘點點烏犍出夏木陰陰白鳥

飛也似江南好風景水田一帶學僧衣陳澤州重遊
祖氏園詩十五年前白鼻騮青絲金絡酒重賒長思
別後淒涼地再見秋來爛熳花世事五侯新第宅桑
田幾度舊人家將軍坐嘯風烟外帳底歌鐘閱歲華
宋牧仲遊祖園詩春光偏向客中催選勝城南並馬
來多少閒愁消欲盡路旁茅屋絳桃開插天高柳碧
絲絲一片東風淡蕩吹彷彿隋家堤上過露條烟葉
叫黃鸝園林晴日散芳菲曲徑藤梢欲罥衣愛殺水
亭風景好蒲芽纔吐燕雙飛亭北名葩取次看一枝

將放倚雕闌梁園記得春深日斗大花開綠牡丹高
臺突兀俯紅亭樹杪西山一抹青誰繫斑誰花塢外
故吹長笛使人聽折得風前赤玉枝帽簷斜插醉歸
時重遊好待將離放還唱旗亭絕妙詞又過萬泉寺
詩我生好遊老愈猛馬上看山日引領忽聞勝友說
萬泉此心便已落幽境乘暇曉出右安門兒子門生
轡並整閒坊曲徑遠市聲隄柳溪花弄秋影訪舊折
入祖氏園小憩藤輪敲松癭一亭欹斜波上留香送
殘荷四望迴佳處漸涉溼餘水傳道清流入百頃禪

扉寂寞枕鸞環沙觜雙鳬脰交頸正逢野叟刈穰稭
只少吳歌搖舴艋老僧踏藕作清供冰雪堆盤風味
永名花爛熳憶豐臺社鼓喧闐厭中頂長歌此地卽
滄浪莫問長洲舊烟景

嚴存菴

我斯

遊祖氏園詩出郭不數里名園傍水涯

蘆花圍野岸楊柳幾人家小閣臨池迴疎籬抱徑斜
到來幽興極竟日許停車泯泯濠梁上蕭蕭落葉天
柳歌魚撥刺荷碎鷺聯拳曲水縈花圃晴雲下渚田
小山遺勝在臨眺幾流連去園里許有九蓮寺或曰

明慈聖太后九蓮菩薩後身也更尋黃葉寺幾眺白
雲秋徑曲雙橋隱門開一磬幽殘碑頻繫馬過客倦
登樓歎息前朝事西風蘆荻洲胡南苔

曾恩

詩款段

相將碧外停苔磯草路昔曾經水亭一角杏花白春
樹千重山靄青漫設鷄豚學村社仍移壺榼傍烟汀
紙鳶風裏兒童鬧又聒詩翁午夢醒又祖園觀荷至
萬泉寺七古今祖園名已莫考環萬泉荷花尚盛園
主屢易

余戊午方至萬泉寺
水閣觀荷最佳

王樓村

式丹

有城南褚

氏園亭宴集詩祖褚祝三字都人音不分明俟考

查他山九日宴朱大司空

之弼

南莊詩雲物蒼涼感

鳳城良辰難遇是晴明同時那得人偕集去日渾如

客餞行大漠寒烟凝朔氣空林殘葉墮秋聲籬邊舊

是餐英客省對黃花倍有情不是藍田別有莊三年

此地作重陽先生出郭仍携酒獨客登臺又望鄉天

濶一鵬盤遠勢風高羣雁起斜行茱萸諸弟遙相憶

應敘新來髻點霜又陪大司空松林看杏花詩偶逐

肩輿出郭行蹇驢斜照一鞭橫平分節物歸僧舍背

指風沙帶帝城好鳥啼能添野趣晚花開及向春晴

作詩自取排吟興何必留題識姓名暖烟濃露互交
加樹裏孤亭四面遮杏酪已調初改火松濤忽瀉正
烹茶內官老作茅菴主遠客閑看禁苑花多謝東風
不相笑一枝歸壓帽簷斜又有懷南郊舊遊詩名園
狂醉已經年永定門坊記墮鞭想得出郊重繫馬一
行新柳變新烟湯西厓自黃村歸經草橋詩按鷹臺
北接春郊信馬閒行未覺遙尺五城南好光景到天
烟色柳條條右安門外舊池亭別墅參謀堂右丞今
日草橋清淺水還留一縷照衰興天桃穠杏一時開

上巳風光次第來向有殿春紅芍藥連塍十里到豐臺

趙恒夫

吉士

謫官居寄園甲戌清明偕門生子弟共

十六人步行出右安門過目耕園踏青賦春遊六疊
韻詩之十四首時少長困憊恒夫興酣落筆愈唱愈
高同人欽手推服見林卧遙集目耕園未知後改何
名記以俟考

寧河崔解元鳳集庚辰赴試夢一叟誦詩首句云功
名祇在草橋頭醒而不解行至草橋正演紅梨花趙
解元事果掄元

藤陰雜記卷十二

郊垌下

吟梅居士

徐憺園遊天寧寺至白雲觀詩藍輿携伴愜幽懷古
寺寒鐘景色佳開閣青山方滿坐入門紅葉已翻階
清談未厭王濛茗枯坐真同蘇晉齋會向射堂看秉
燭知君不惜酒如淮浮圖寶鐸半空聞仙觀還看傍
白雲霜樹紺園鴉自集巖花丹竈鶴依羣碑鐫仁壽
留千載蹕駐崆峒記數君行樂祇應憑眺徧未妨徒
倚到斜曛

漁洋文集予弱冠遊京師于翰林友二人焉曰相國
合肥李公尚書澤州陳公子旣散曹二公雖號清切
然嗜好相似下直必偕乙卯至京二公卽日訪予天
寧寺予適他往二公坐塔下待予牡鑰將下始連騎
入城天寧寺浮圖詩千載隋皇塔嵯峨俯舊京相輪
雲外見珠網日邊明淨土還朝暮滄田幾變更何當
尋法侶林下學無生朱竹垞寓天寧寺詩青豆房容
借經旬且開關日邊連右輔樹杪豁西山六井泉相似
千花塔易攀不應朝市客翻羨旅人閑萬古光林寺

相傳拓跋宮著書非柱下留客卽淹中味折園蔬甲
香携市酒筒波濤人海濶安坐作漁翁到此栖遲慣
都無應接勞借書僮入市莖荐馬騰槽塔射層層火
松鳴夜夜濤惟嫌重九會風雨罷登高查查浦
詞璫
塔燈詩燈明三百六十點風撼三千四百鈴最好天
寧雲外塔恨無梯級上青冥

嚴存菴過天寧寺詩芙蓉千仞倚長空古殿殘碑一
徑通代閱隋唐秋落木地連幽壑晚多風寒花庭院飛
馴鴿斜日郊原度塞鴻回首幾人吟眺處至今猶說

李崆峒寺多李何游眺詩故云

王漁洋請假歸新城繪載書圖都人于彰義門外祖
餞賦詩成帙惟王橫雲司空詩云都亭祖帳落花深
滿路薰風返故林幾載雲霄槐棘坐無邊霜露蓼莪
心西曹丹筆關星象北闕崇班待履音遙計牛岡方
改卜趣裝應已及秋陰有壓倒元白氣象

晉濟堂順天府設以養孤獨餞行者于此茶話堂聯
爲姚端恪文然句但覺眼前生意滿須知世上苦人

多

吳梅村簫史青門曲青青寒食東風柳彰義門西冷
墓田謂長平公主葬處今莫可考

胡南荅龔宗伯招集郊園詩城西軟紅外歷歷好池
亭古苑花垂雪春臺客聚星鶯喧千畝綠燕掠一郊
青山水兼絲竹清音更可聽汪荅文琬詩去年郊園
折紅藥今年河亭攀綠楊郊園俟考

孔定南武莊王祠在彰義門外三里柳巷春秋展祀
癸丑予以奉常承祭陪祀無人王已無後僅本旗章
京一員迎送廟貌尚整予昔使粵過王故邸賦詩今

復展謁荐馨以詩記事按八旗通志孔有德子被李
定國擄惟女四貞康熙三年奏准春秋致祭四貞食
格格俸適孫延齡鎮桂林從逆被吳世琮所殺四貞
十二年回京吳梅村詩云錦袍珠絡翠氍毹軍府居
然王子侯自寫赫蹏金字表起居長信閣門頭藤梧
秋盡瘴雲黃銅鼓天邊歸旆長遠愧木蘭身手健替
耶征戰在他鄉

摩訶菴在平則門外陳澤州再遊詩云暮景西郊僻
精藍此地逢殘花落清梵深竹度烟鐘春雨紅樓暗

香林碧樹濃近來幽意愜巾拂對從容王漁洋先以

王北山給事

日高

約遊不果賦七古已未同楊爾茂

正中

富磐伯

鴻基

兩宗伯李湘北

天馥

閣學張素存

玉書

宮庶同遊詩云西院枕迴溪青山滿高閣祇園

天氣佳苔砌餘紅藥鳥如迦陵響梵是魚山作微雨
忽來過紛紛幾花落龔芝麓尚書于摩訶菴杏花下
爲張郎韶九賦感舊菩薩蠻詞

宋牧仲有摩訶菴看丁香因訪慈壽寺元福宮釣魚
臺諸勝詩古寺花成幄霏霏過雨天穿林隨老納捫

葛上荒阡雙闕晴雲外千峯夕照邊幸同江左彥觴
咏足陶然欲訪垂綸處長歌騫塢來澄波飛野鴨斷
岸失孤臺正喜青藤共寧愁画角催勝遊應再續計
日牡丹開高文良其倬慈壽寺詩蒼苔半沒泥金榜
饑鼠來偷點佛燈無限滄桑前度事朝朝風語塔巔
鈴

慈慧寺有蜘蛛塔萬歷中少詹南充黃平倩輝書碑
平倩耽禪悅與僧愚菴善嘗往此寺一日方誦金剛
經一蜘蛛緣案上向佛而俯驅之復來黃曰爾以聽

經來耶爲誦終卷又爲說情想因緣竟蜘蛛立蛻化
去因以桑門法塔復書碑記其事云

池北偶談

孫司空

在豐

遊摩訶菴歸至圓覺寺詩摩訶舊遊寺

立馬駐山門老枯凌雲翠秋花飲露繁有塵難可到
無佛但稱尊翻憶興亡事摩碑獨此存更入招提境
茶瓜興可添山僧無俗韻蓮舌見鋒鋷飛閣闌低樹
高林塔露尖天花滿空際含笑待誰拈

舒子展翰林

大成

摩訶菴看杏花詩一時傳誦程魚

門

晉芳

壬申到菴惟棗樹已無杏花詩云玉堂舊客

題詩處野剝離離放小紅三十年來人事改棗花香
細月朧朧

摩訶菴見高文良

其偉

題壁詩八字朱扉碧樹間偶

緣客至暫開闌松梢紅上三竿日樓角斜銜一崦山
鉏麥人衝殘雨去坐禪僧共落花閒未能便入宗雷
社且約芳時數往還

元福宮梨花繁高章之偕顧書宣

圖河汪安公

倅

胡孟行

任輿

同遊重遊三君已歿花亦不蕃賦詩云

當時梨杏向千株今日風光總不如老樹無花三月

半舊遊似夢六年餘偃松風拔新栽檜御果園荒旋
種蔬同輩故人還幾在酒痕猶浣舊衣裾

唐東江有興聖寺看杏花詩探花一騎西郊迴爲言
紅杏千株開間尋古寺慙幽賞枝淡冶如肥梅寺
在昌運宮則非城中興聖寺查他山有興勝寺杏花
歌亦是此寺

西郊萬安禪院趙恒夫

吉士

自寄園至西巖必宿院

中其疊韻詩云義麥盈疇蛙鼓鬧貞枝倚檻鶴軒留
蘭橈共拜彎弓月桂棹同遊曲水樽

平則門外定慧寺西延寧菴荒剝也圖裕軒學士

銘

布默坐菴中而逝卽塋菴側朱石君尚書

珪

表墓周

編修

永年

作傳勒石菴右祠堂學士曾以田四百餘

畝施諸戒壇亦建祠祀門下士劉鴻臚

渭

作記稱先

生早入祠林屢司文柄年未五十引疾不仕性耽禪

悅恒信宿蕭寺徜徉二十年洒然而逝鴻臚刻其遺

集并懼延寧小剝久而就湮復勒石戒壇名勝地以

不朽先生其風義有不可及者余房師趙檢齋先生

爲學士壬申禮闈所得士分叨私淑曾隨師謁見以

赴某寺未見不及仰瞻典型爲憾

阮裴園僭倪穉疇

國璉

晚出西便門以迷徑歇老圃

家詩郭外靈源漾遠空人家全住翠微中半灣柳散
風前綠一路鶯啼雨後紅曲水清流王內史遠山低
樹米南宮何須更記西郊景已與塵寰路不通

王橫雲畏吾村訪李西涯墓詩風雅茶陵領播紳當
年館閣句常新誰知馬鬣經封後白石穹碑屑作塵
注西涯子孫式微以墓前白石碑搗碎和鹽以賣見

瓦釜漫記

王橫雲高粱橋詩鳳城西去繞高粱曲水灣環蔭綠
楊青女乍來霜未結猶餘烟景似江鄉遼宋當年戰
水濱休哥制勝事應真今尋鉄馬橫戈地惟見遊軒
拾翠人

高粱橋沿長河至萬壽寺亭榭仿平山堂春遊惟此
爲勝乙酉紀心齋侍御復亨偕先君率余同遊先君

賦玉河記遊詩屬和多人惜未彙刻一編爲悵詩云
秋色西來好因之謝吏人印須金馬客客裔玉河津
柳拂沙頭老蟲鳴草際新轉憐斯路熟未得及侵晨

西苑啟事每于四
更過此故云然繫馬曾遊處青帘白石橋曲闌依

窈窕古塔鬱嵒堯畫本纔橫幅花枝尚短條銀河通

尺五未敢問輕橈細水纔如澗濤奔怒不流虹梁收

別墅雪瀑濺高秋但少香茆屋從添白酒筇何時攜

釣具真作漫郎遊

廣原厓觀水

梵唄效祠官高居太乙壇

古松橫爪鬣陰洞出琅玕清磬一聲徹微風三夏寒

竹宮遙拜後老衲話迎鑾

萬壽寺辛未重修爲祝延之地

漢室中常

侍唐家神策軍斯人能佼佼奴輩自紛紛香火歸天

帝殞繫紀墓文窮奇看朽骨幾保碧雲墳

昌運宮爲明太監張

永建塙
外有墓

一徑垂楊下沿流古道斜
剎竿迷佛火籬角
絡秋瓜行殿梁窺燕虛堂
幔卷紗暮笳何處起蕃馬
戲平沙侍御口占絕句余和云
樹杪青帘一道開無
妨藉草酌深杯桓驄不顧人爭
避也踏春泥乘興來
朱竹垞滿井訪崙公詩郊行方澤
外路轉古城窪小
雨乍潑火輕風無聚沙青蓮過橋
寺紅杏隔塙花一
笑遠公在催停轂隸車

王橫雲土城詩城北逶迤接上垣
蕭蕭戰壘暮雲繁
書生膽氣橫千古匹馬來看古
薊門城在德勝門外

土阜至今呼蕭太后土城爲遼聖宗之母瀛洲澶淵
之役偕行此駐師處今梨園子弟盛演蕭后打圍婦
孺皆知其英武也趙甌北翼懷古詩云郊圻屹立土
門崇蕭后曾經此詰戎赤帝敢傷吾子白雌風偏勝
大王雄封椿坐困南朝費歲幣終來內府充千載遺
踪雙阜在猶傳女隊促裝紅負展圖成髻未華手携
嗣主戰邊沙不聞宮掖悲人彘肯使兵塵喪帝妃粉
黛三千歌入塞燕雲十六紀傳家笑看瓊島妝臺女
空把才名後代誇

出安定門東北八里爲宏毅公額亦都恪禧公遜必

祠墓癸丑秋余往承祭裔惟世爵一二人公孫策楞

納親愛必達阿里袞阿敏爾圖皆官極品想見一時
之盛

出朝陽門東七里爲勤襄公佟圖賴祠長子忠勇國綱

次子端純國維皆以軍功祔祀余座師介少宗伯爲

忠勇孫同祖兄弟慶復大拜補熙將軍卿貳多人今
亦惟襲公一人承祭之餘方知師門勲戚云

高念東水關竹枝德勝門前菡萏鋪漫誇江上有西

湖阿誰更作長隄主與種垂楊一萬株酒家亭畔喚
漁船萬頃玻璃萬頃天便欲過溪東渡去笙歌直到
鼓樓前

明太傅珠自怡園延唐東江查他山課子揆叙唐有
園居雜詠十四首如樓頭花萼連藩邸地接枌榆
總舊勲流水游龍非馬尉赤墀青瑣異王根一籬纏
結花爲障四面叢攢柳作城如雲駝馬常彌野落日
雞豚自一村想見繁華氣象他山集詩更多東江哭
揆愷功詩猶有高齋舊賓客可憐水磨好園林知園

在水磨今爲長春園辰垣識畧謂在海淀誤 淶水
亭爲成容若著書處在玉泉山下

澄懷園爲上書房內直諸臣寓齋大學士漳浦蔡公

繪澄懷八友圖謂同時陳尚書惠華程文恭景伊張

文恪泰開觀總憲保二周學士長發王章梁少詹錫

與也汪文端秦文恭作記前後內直諸公皆有題句

蔣荅生士銓代涂少司空逢震二律擅場詩云水木

清華退食同直疑樓閣在虛空地隣海淀兼三島人

吳進有正八公春滿雲邊天尺五畫闌花外漏丁東

仙源小聚羣仙影照取鬚眉一鑑中東序談經珮紱
連天分靈境坐羣仙笑看池水知心迹同是松身作
壽年畫裏原兼詩爛漫人間無此地幽偏好風香帶
圖書氣春在先生杖履邊

海淀槐樹街勵文恭

廷儀

休沐地金檜門先生丁巳

內直栖託其間雲壑烟巒蔚然在望考西山一名小
清涼爰收爲山房之名而倩張南華作圖自題詩云
路出郊西近身依尺五天當年勞卜地遲我問流泉
散帙臨窻下羣峯隱几前車音門外絕兀坐意悠然

汪文端與同直諸公俱有和作今不知歸何氏

海淀佟氏園有董文敏書瑞園石刻申拂珊副憲

甫

寓園時搜剔于墻東草棘中爲賦長歌移寓過園詩
詩云偶尋斷石留書法卽論栽松仿画家

良鄉道上灰洞迷漫行人到此解鞍卽卧獨陶篁村
元藻題壁詩云滿地榆錢莫療貧垂楊難繫轉蓬身

離懷未飲常如醉客邸無花不算春欲語性情思骨
肉偶談山水悔風塵謀生消盡輪蹄鐵輪與成都賣
卜人款畫篁村二字壬申袁簡齋枚過之和詩有好

疊花箋抄稿去江湖沿路訪斯人之句時店主將巧
壁勞宗發宰良鄉抄呈方制府並嘉賞之勿令巧越
十數年簡齋在梁瑤峯方伯署始晤篁村方知陶姓
篁村感三公高誼而方勞二公下世卽席感賦三詩
云匹馬曾從燕薊趨橋霜店月已模糊人如曠世星
難聚詩有同聲德未孤自笑長吟忘歲月翻勞相訪
遍江湖秦淮河上敦槃會應識今吾卽故吾三間老
屋夕陽村底事高軒過此門飛蓋翠搖新蘸墨華燈
紅照舊題痕不教畫墁傭奴易便勝紗籠佛殿尊惆

月
三
三
悵憐才青眼客幾番剪紙爲招魂篁村會稽名諸生
不遇子廷珍以詩賦擅名以孝廉終一令廷琬辛丑
進士宰清平

庚辰春遊直隸學幕駐寶店見壁上有女子新題六
絕墨瀋猶新然多不可辨僅識其一云極目蕭蕭易
水聲一腔幽恨最難平燕丹已是無家別枉指歸期
馬角生秋杪回京壁已重粉詩則默誌不忘後述之
汪初菴郎中亟選入擷芳集並水曹清暇錄中

趙恒夫

吉士

以給事勘河與熊尚書

一蕭

同罷自寄

園卜築西巖詩稱渾河秋漲不能北渡來京則在蘆
溝橋西宅有見一軒來爽閣夢莊恒借吳古逸毛香
令對奕吹簫附近萬安禪院時住止宿罕山延壽澄
果龍廣圓通諸佛寺俱有題壁留別詩西山口趙夢
天有自怡園恒夫題壁有峯頂泉來天抱甕松根影
過月移樽句牽復尚生西巖姜西溟朱竹垞何屺瞻
煒過訪贈詩有月岸一竿尋釣伴烟汀半棹隱蘆人
句丙子補助教時往山中一六堂期司成遣役促還
有一六期輪四日疎句詩編爲林卧遙集詩爲于章

雲

漢翔

贈韻伸綸孫墩等字叠至四千從古所無書

之以作藝林佳話

白雲觀中石有儒先之殿考李道謙甘水仙源錄觀

津張本字敏之正大九年以翰林學士使北見留隱

爲黃冠疑卽其人李石農

鑾宣

作詩弔之云觀津學

士北遊燕太極宮中伴鶴眠

白雲觀元太極宮以居邱真人

應羨漢

家蘇武節牧羝落盡尙南旋先生原本是儒官喚作

仙人意未安世祖若歸文信國他年亦擬着黃冠